



Broj:02-02-1642/17  
Datum: 19.10.2017. godine

**ZAPISNIK**  
**SA SJEDNICE KOMISIJE ZA SPOMENIKE GRADSKOG VIJEĆA**  
*održane 19.10.2017. godine*

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Lana Velić, članica
7. Pavle Krstić, član

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Po ovlaštenju Gradonačelnika sjednici prisustvovala:

- Dragana Solaković, pomoćnik Gradonačelnika za lokalnu samoupravu i EU integracije

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem o radu prethodne sjednice Komisije za spomenike održane 20.09.2017. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Prijedlog Izmjena i dopuna Programa rada Gradskog vijeća Grada Sarajeva za 2017.godinu
2. Nacrt Politike Grada Sarajeva za mandatni period 2016-2020
3. Nacrt Programa rada Gradskog vijeća Grada Sarajeva za 2018. godinu
4. Predlaganje tema za Program rada Skupštine Kantona Sarajevo za 2018. godinu
5. Mišljenje o Prednacrtu Zakona o lokalnoj samoupravi Kantona Sarajevo
6. Tekuća pitanja

**TAČKA 1.**

***Prijedlog Izmjena i dopuna Programa rada Gradskog vijeća Grada Sarajeva za 2017. godinu***

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike sugerira Gradskom vijeću da razmatra Izmjene i dopune Programa rada Gradskog vijeća Grada Sarajeva za 2017. godinu kako su i predložene.



## **TAČKA 2.**

### *Nacrt Politike Grada Sarajeva za mandatni period 2016-2020*

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike daje podršku predloženom pristupu, cijeni da će razmatrani dokument biti dobra osnova za dalju razradu predloženih smjernica u narednom periodu, sugerira Gradskom vijeću da razmatra Nacrt Politike Grada Sarajeva za mandatni period 2016-2020 kako je predložen i uputi ga u javnu raspravu, uz uvažavanje sljedećeg zaključka.
2. Komisija za spomenike predlaže da se u Nacrt Politike uvrsti i novi izazov s ciljem promocije i zaštite kulturno povijesnog nasljeđa u Gradu Sarajevu.

## **TAČKA 3.**

### *Nacrt Programa rada Gradskog vijeća Grada Sarajeva za 2018. godinu*

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike sugerira Gradskom vijeću da razmatra Nacrt Programa rada Gradskog vijeća Grada Sarajeva za 2018. godinu kako je predložen i uputi ga u javnu raspravu, uz uvažavanje sljedećih zaključaka.
2. Komisija za spomenike predlaže da se Nacrt Odluke o spomenicima od značaja za Grada Sarajevo razmatra na sjednici Gradskog vijeća u maju mjesecu, a Prijedlog Odluke u septembru mjesecu, te da se ovi rokovi uvrste u Nacrt Programa.
3. Komisija za spomenike predlaže Gradskom vijeću da pri razmatranju Budžeta Grada Sarajeva za 2018. godinu planiraju odgovarajuća sredstva za održavanje spomenika od značaja za Grad Sarajeva, te za planiranje i realizaciju podizanja novih spomenika, a posebno onih čije podizanje je iniciralo Gradsko vijeće Grada Sarajeva.

## **TAČKA 4.**

### *Predlaganje tema za Program rada Skupštine Kantona Sarajevo za 2018. godinu*

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike predlaže da se u Program rada Skupštine Kantona Sarajevo za 2018. godinu uvrsti donošenje izmjena i dopuna Zakona o prostornom uređenju Kantona Sarajeva kojim će se utvrditi nadležnost za donošenje regulacionih planova Grada Sarajeva, a da se do tada, što je prije moguće, utvrdi moratorij na primjenu odredbi važećeg zakona, koje se odnosi na djelokrug gradskih općina za donošenje regulacionih planova, kako gradske općine ne bi pristupale novim procesima provedbenog planiranja gradskog prostora nekoordinirano.

## *TAČKA 5.*

### *Mišljenje o Prednacrtu Zakona o lokalnoj samoupravi Kantona Sarajevo*

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike konstatira da je upoznata sa Prednactrom Zakona o lokalnoj samoupravi Kantona Sarajevo i da je primila usmenu informaciju predstavnice Gradonačelnika u vezi stručnog mišljenja o Prednactru koji se razmatra.
2. Komisija za spomenike podsjeća da mišljenje Grada Sarajeva o Amandmanima na Ustav Kantona Skupština Kantona Sarajevo nije uvažila, da Ustavom Kantona Sarajevo nije tretiran teritorij Grada Sarajeva, ali da je Ustavom utvrđen samoupravni djelokrug Grada Sarajeva (što po mišljenju Grada nije trebalo biti sadržano u Ustavu), te da u ovoj fazi izrade Zakona, nije moguće dati odgovarajuće mišljenje Grada Sarajeva koje bi bilo u okviru stava Grada Sarajeva o reformi lokalne samouprave u Kantonu Sarajevo, a zauzetog u povodu razmatranja Amandmana na Ustav Kantona.
3. Komisija za spomenike predlaže Gradskom vijeću da iskaže svoje očekivanje da će Grad Sarajevo biti na vrijeme pozvan da sudjeluje u javnoj raspravi o Nacrtu Zakona o lokalnoj samoupravi u Kantonu Sarajevo kako bi se očitovalo o rješenjima iz konačnog opredjeljenja predlagača Zakona.

## *TAČKA 6.*

### *Tekuća pitanja*

Pod ovom tačkom dnevnog reda nije bilo zaključaka.

*ZAPISNIČAR*

*Mirjana Đanović Stanić*

*PREDSJEDAVALJUĆI KOMISIJE*

*Enes Husejnović, s.r.*